



АКАФИСТ

Пресвятой Богородице
в честь иконы Ее
«Скоропослушница»



**АКАФИСТ
ПРЕСВЯТОЙ
БОГОРОДИЦЕ
В ЧЕСТЬ ИКОНЫ ЕЕ
«СКОРОПОСЛУШНИЦА»**



Приход храма Святого Духа сошествия
на Лазаревском кладбище
Москва 2011

УДК 264-1
ББК 86.372
А383

Рекомендовано к публикации
Издательским Советом Русской Православной Церкви
ИС 11-026-3010

Тропарь, глас 4-й

К Богородице притецём, сущии в бедѣхъ, и святѣй
иконе Ея ныне припадёмъ, с верою зовуще из глубины
души: скоро наше услыши моление, Дево, яко
Скоропослушница наре́кшаяся, Тебе бо рабѣ Твои в
нуждах готовую Помощницу ѿмамы.

Кондак, глас 8-й

В мѡри житѣйшемъ обуреваемии, треволнѣнію
подпадаемъ страстей и искушений. Подѣждь ѹбо намъ,
Госпожѣ, рѹку помощи, ѡкоже Петро́ви Сынъ Твой,
и ускори́ отъ бедъ избавити ны, да зовемъ Ти: радуйся,
Всеблагая Скоропослушнице.

А383 Акафист Пресвятой Богородице в честь иконы Ее «Скоропо-
слушница». — М.: Местная религиозная организация Православный
приход храма Святаго Духа сошествія на Лазаревскомъ кладбище гор.
Москвы Московской епархii Русской Православной Церкви
(Издательство Сестричества во имя святителя Игнатія Ставрополь-
скаго), 2011. — 32 с.

© Оформление, верстка. Местная религиозная организация
Православный приход храма Святаго Духа сошествія на
Лазаревскомъ кладбище гор. Москвы Московской епархii
Русской Православной Церкви, 2011.

КОНДАК 1



Избрáнной от
всех родóв
Божией Мате-
ри и Царице,
скоропослúш-
ливо внéмлю-
щей молитвам
смирнным, и
тóки целéбныя
изливающей
верным от ико-

ны Своея святýя, благодарственное
приносим пение: Ты же, Всемиловитая
Заступнице, преклонися благоутрóбно
к гласом нашим хвалебным и от всяких
бед свободи ны, зовущия Ти:

Радуйся, Всеблагáя Скоропослúш-
нице, прошéния наша во благо испол-
няющая.

Печатается по изданию: Акафистник. Том II. М.
Издательство Московской Патриархии. 1991.

Ангелов ли́цы благоговѣ́йно Тебе слѹ-
жат, и вся Небѣсныя Силы немолч-
ными гласы Тя ублажа́ют, Богоро́дице
Девѡ, ꙗ́ко рѡждшую Ангелов Царя
Христа Бога, мы же грѣшнии, подра-
жа́ти им дерза́юще и достойно благо-
хвалі́ти Тя недоуме́юще, смиренно-
мудренно вопием Ти си́це:

Радуйся, непристѹпнаго Божества
селение. Радуйся, Ангельское непре-
стающее удивление.

Радуйся, Трапѣзо святая, Хлебом
Жизни нас питающая. Радуйся, ма́слино
благоплѡдная, елеем милости сердца́
наша умаща́ющая.

Радуйся, дарѡв Бо́жия благодати
сокрѡвищнице неистощи́мая. Радуйся,
чудес рекѡ приснотеку́щая.

Радуйся, обидимых Застѹпнице. Ра-
дуйся, печальных Утѣшительнице.

Радуйся, бѣдствующих Помощнице.
Радуйся, болящих Целительнице.

Радуйся, разслабленных Укрепительнице.
Радуйся, плененных Свободительнице.

Радуйся, Всеблагая Скоропослушнице,
прошения наша во благо исполняющая.

КОНДАК 2

Видяще милосердие Твое неисчетное,
Владычице, и многая чудеса, Тобою
явленная и присноявляемая чрез святых иконы Твоя, имиже, яко
звездами богосветлыми, весь мир
христианский украсила еси, величаем
Тя, возвеличившую род наш Твоим
благоволением, и с любовью по-
клоняемся пречистаго лика Твоего
изображению, зовуще Сыну Твоему
Христу Богу: Аллилуия.

ИКОС 2

Разум небесный открываючи, Богородице, благоволила еси в земном жребии Твоем, Святѣй Горе Афѳонстей, многими чудесы прославити икону Твою, юже Сама Скоропослушницею наименовала еси гла́сом Божественным, от неѣ изше́дшим, да вси, ве́дуще таковѣ Твое о ней благоволе́ние, песенно Тебе вопи́ют:

Радуйся, Милосѣрдая всех нас о Христе Мати. Радуйся, Духа Святаго жилище.

Радуйся, любве́ Бѳжия к человеком проявлѣние. Радуйся, рода человеческого возвышение.

Радуйся, светлая палáто Бога Слова. Радуйся, Святая святых бѳльшая.

Радуйся, рѳждшая Божественнаго А́гнца. Радуйся, возрастѣвшая нам клас животá.

Радуйся, брашна негіблющаго ста́м-
но всезлата́я. Радуйся, Пита́тельнице
Питателя вселénныя.

Радуйся, я́ко предста́тельством Тво-
им спасти́ся упова́ем. Радуйся, я́ко
моли́твами Твоими наследие Небесное
получити чаем.

Радуйся, Всеблагáя Скоропослу́ш-
нице, проше́ния наша во благо испол-
ня́ющая.

КОНДАК 3

Си́лою Бо́жиею действу́ючи, небла-
гоговéйно ходи́вшаго пред свя-
тою Твоéю иконою Дохиáрскаго оби-
тели трапéзаря Нíла слепотою и
разслаблénием тела наказáла еси́, Бо-
городице Дево, да прóчее не дерзает
оскорбля́ти Тя в пречíстем Твоем об-
разе, егóже в залог благоволенíя Тво-
его всей Афонстей Горе даровáла еси́
милостиво, да вси насéльницы ея́ глáсы

преподобными вопиют рождшемуся от Тебе Богу Слову: Аллилуия.

ИКОС 3

Имущи любовь велию к людем, испкупленным Кровию Сына Твоего и Бога, Владычице Всеблагая, покаяние трапезаря Нила милостиво прияла еси и исцеление ему от слепоты и расслабления даровала еси, да служит непрестанно Тебе и молитвы немолчныя приносит Ти пред многоцелбною Твоею иконою, взывая сие:

Радуйся, Иоакима и Анны прозябение святое. Радуйся, рождшая Сокрушившаго главу древняго змия.

Радуйся, Преблагословенная в женах. Радуйся, рождшая нетленно Спаса душ наших.

Радуйся, девство и рождество чудесно сочетавшая. Радуйся, во обою непорочно Себе сохраняющая.

Радуйся, всея вселенныя вѣлие чудо.
Радуйся, всех родовъ земныхъ удивление.

Радуйся, согрешающихъ исправлѣ-
ние. Радуйся, кающихся в добродѣ-
тели утверждѣние.

Радуйся, непамятозлѣбная Наказá-
тельница. Радуйся, Благосѣрдая Вра-
зумительнице.

Радуйся, Всеблагая Скоропослúш-
нице, прошѣния наша во благо испол-
няющая.

КОНДАК 4

Бури житѣйскія избежавшии и в ти-
хое пристанище спасения на Гóру
Афóнскую притѣкшии обретáютъ zde
утешение благодáтное и помощь Бо-
жѣственную от святыя иконы Твоея,
Богородице, от неяже лучи чудесъ
испускаеши, и тóки милости Твоея
изливаеши неоскúдно. Тѣмже вси хо-
тящии в пустынех Афóна жáти спасе-

ние, величающе Матернія щедроты Твоя, благодарственно воспевают Богу: Аллилуия.

ИКОС 4

Слышав глас Божественный от святых иконы Твоея, Владычице, трапезарь Нил позна Тя Скоропослушницу быти всем, с верою и любовью притекающим к чудотворному Твоему образу, и прияв от него вразумление своему невежеству и прозрение своим слепотствующим очесем, возгласи Тебе благодарственно от души:

Радуйся, временным наказанием невежд умудряющая. Радуйся, согрешающих покаяние милостиво приемлющая.

Радуйся, на путь исправления заблуждающихся направляющая. Радуйся, раны греховныя благоутробно врачующая.

Радуйся, в нераде́нии косне́ющих
любвеобильно облича́ющая. Радуйся,
го́рестию телесных страданий вечных
мук избавля́ющая.

Радуйся, волнение страстей утиша́-
ющая. Радуйся, ру́ку помощи Твоея́
погибающим простира́ющая.

Радуйся, безнаде́жных надеждо. Ра-
дуйся, скорбящих отра́до.

Радуйся, наги́х одея́ние. Радуйся,
сы́рых призрэ́ние.

Радуйся, Всеблагая́ Скоропослу́ш-
нице, проше́ния наша во бла́го испол-
ня́ющая.

КОНДАК 5

Боговещáнныя глаго́лы Твоя́ увéдев-
ше, ино́цы обители Дохиáрския Те-
бе, Божéственней Скоропослу́шнице,
храм сооруди́ша при трапéзе, иде́же
чудотво́рная икона Твоя́ пребывает,
Пречистая Дево, и вся верныя утеша-

ет зна́меньями Твоея́ милости, ея́же не
лиши и нас, смиренных, по долгу Тя
воспевающих и вопиющих чудес Твор-
цу Богу: Аллилуия.

ИКОС 5

Видевше то́ки чудес, от свѣтѣи́и иконы
Твоея́ Скоропослу́шницы источа́-
емая, вси ино́цы Горы́ Афѡ́нския стека́-
хуся к ней на поклонение. Ты же, Мати
Божия, всем, по коегѡ́ждо потребе, да́ры
милости Твоея́ неоскудно подавала еси
от чудотво́рнаго Твоего образа, подви-
заючи благодарно вопити Тебе:

Радуйся, Мати милосѣ́рдия и ще-
дрот. Радуйся, одушевлѣ́нный Престо́-
ле Вседержи́теля.

Радуйся, Сыну Божию плоть заимо-
да́вшая. Радуйся, черто́же безсе́менна-
го уневе́щения.

Радуйся, Безплотнаго воплотившая.
Радуйся, Бога с человеки соединившая.

Радуйся, преподобных всежелательное зрение. Радуйся, постников Божественное радование.

Радуйся, пустынножителей тихое веселие. Радуйся, иноков крепкое упование.

Радуйся, демонския полки побеждающая. Радуйся, враги спасения человческаго посрамляющая.

Радуйся, Всеблагая Скоропослушнице, прошения наша во благо исполняющая.

КОНДАК 6

Проповедует Гора Афонская милости
и чудеса Твоя, Преплагословенная Мати Господа нашего, и светло красуется многими чудотворными Твоими иконами, посреде коих икона

Твоя, Скоропослушница Тобою нареченная, яко луна полная, лучами чудес немерцаемо сияет, просвещающи души наша светом Божия благодати и подвизающи нас хвалебно взывати просла́вльшему Тя Триеди́ному Богу: Аллилу́ия.

ИКОС 6

Возсияла еси в пречістей иконе Твоей, Маріе Богородице, свет спасения всем, блуждающим во тьмѣ грехов и страстей, и сию нареклá еси́ Скоропослу́шницею, молящимся пред нею с верою и благоговѣніем от души скорую помощь Твою подаючи, вопиющим Ти таковая:

Радуйся, мо́лние, ду́ши просвещающая. Радуйся, гро́ме, соблазняющія устраша́й.

Радуйся, благооті́шное прибежище утомлённых трево́лнѣніем житѣ́йска-

го моря. Радуйся, небурное пристанище обуреваемых волнами страстей.

Радуйся, юных Наставнице целомудрия. Радуйся, покрове и ограждение девства.

Радуйся, окаменение сердечное умягчающая. Радуйся, хладность душевную благодатно согревающая.

Радуйся, на стезю спасения верных наставляющая. Радуйся, от путей погибельных претыкающихся удаляющая.

Радуйся, Споручнице наша к Сыну Твоему и Богу. Радуйся, присно умоляющая Его о помиловании нас, грешных.

Радуйся, Всеблагая Скоропослушнице, прошения наша во благо исполняющая.

КОНДАК 7

Хотящи всем показать любовь Твою
Велию к христианскому роду, Бого-

родице Преплага́я, в жре́бий Твой зем-
ный Гору Афóнскую избра́ла еси́ и в
ней селения иноческая умно́жила еси́,
да вси обурева́емии мирско́ю суето́ю,
возмо́гут обрета́ти zde тихое и удобное
пристанище ко спасению и, Тобою
вспомоществу́еми, сподо́бятся насле́-
дия Небеснаго и пети со святыми Пре-
святей Троице: Аллилуия.

ИКОС 7

Новое зна́мение милосердия Твоего
явила еси́, Владычице, в чуде́сном
прославлéнии святы́я иконы Твоея́
Скоропослу́шницы, не то́кмо ино́ком
Горы́ Афóнскаго, но и всем правосла́в-
ным христиа́ном, в нихже благоговéйно
честву́ется сея́ иконы Твоея́ изображе-
ние, да вси Тебе зовут:

Радуйся, Бога нашего Мати. Радуй-
ся, в рождестве и по рождестве Дево.

Радуйся, яко Тя блажат вси роди.
Радуйся, яко сотвори Тебе величие
Сильный.

Радуйся, яко призрэ на смирение
Твое Господь. Радуйся, яко возжелé
добрóты Твоея Царь царей.

Радуйся, Дщи Благословénная Отца
Небеснаго. Радуйся, Родíteльнице
неискусомужная Сына Предвéчнаго.

Радуйся, пріятелище непорочное
Духа Святаго. Радуйся, Тайннице Бо-
жéственныхъ благодáти.

Радуйся, Гóрняго мира украшение.
Радуйся, дóльняго мира заступление.

Радуйся, Всеблагáя Скоропослúш-
нице, прошéния наша во благо испол-
няющая.

КОНДАК 8

Стрáнники и пришéльцы есмь на зем-
ли и, по глаго́лу апостола, не ймамы
зде пребывающаго гра́да, но к кому

прибегнем, Владычице, в скорбех странствия нашего, аще не к Тебе, Всеблагая? Не отвержи нас, Мати Божия, не рцы нам: “Не вем вас, грехов ради ваших!”, но помилуй нас, сирых и беспомощных, и приими нас в вечныя крѣвы, Покровительнице наша, да радостно вопием во славе Небесней Царю славы Христу: Аллилуия.

ИКОС 8

Всем верным утешительно есть взи-
рати на святую икону Твою, Влады-
чице, на нейже зрим Тя, на руку Твоею
держашую Предвѣчнаго Младенца Го-
спода нашего Иисуса Христа, Емуже
поклоняющеся боголѣпно яко Творцу
и Богу нашему, Тебе, истинней Бого-
родице, умиленно глаголем:

Радуйся, обрадованная архангель-
ским благовѣщением Приснодево. Ра-
дуйся, Невесто неневестная.

Радуйся, Мати Света умнаго,
всех дѹши просвещающаго. Радуй-
ся, престѡле одушевлѣнный Небесѣ и
землѣ Творца.

Радуйся, кроткая голубице. Радуй-
ся, непорочная агнице.

Радуйся, чаше, черплющая радость.
Радуйся, неисчерпаемый сосуде воды
животныя.

Радуйся, Мироположнице благо-
уханія Христова. Радуйся, Ёюже зло-
смердіе страстей наших отгонится.

Радуйся, Ёюже познахом Сына Бо-
жия. Радуйся, Ёюже научихомся по-
клонятися Триединому Богу.

Радуйся, Всеблагая Скоропослуш-
нице, прошенія наша во благо испол-
няющая.

КОНДАК 9

Вси рѡди блажат Тя по долгу, Бла-
гословѣнная Маріе Богородице,

от востока бо и до запада хвально
имя Твое, иноков же лица Покрови-
тельницу Тя свою именуют, наипаче
подвизающиеся в жребии Твоем Го-
ре Афонстей, юже особым благово-
лением Твоим осенила еси, многая
чудеса в ней содеваящи и милости
Твоя богатая насельником ея явля-
ючи, да благодарно вопиют о Тебе
Богу: Аллилуия.

ИКОС 9

Витии суетоудреннии недоумева-
ют познати тайну Твоего присно-
дѣвства, Богородице, ниже могут изъ-
яснити силу чудотворную, от икон
Твоих проистекающую, во исцеление
недужных, и на всяку пользу душев-
ную и телесную человеком. Мы же,
православно и несомненно Присно-
девою Тя исповѣдующе, верно покло-

няемся пред иконою Твоею святою, и
вопием Ти сѣце:

Радуйся, неверных сомнительное
слышание. Радуйся, верных известная
похвало.

Радуйся, из боку чѣсту Христа не-
тлѣнно рождшая. Радуйся, ключи дев-
ства невреdivшая в рождестве Твоем.

Радуйся, Мати и Дево Преблаго-
словѣнная. Радуйся, Богородице Пре-
прослѣвленная.

Радуйся, дев величание. Радуйся,
матерей прѣсное радование.

Радуйся, едина Непорочная и до-
брая в женах. Радуйся, рождшая обето-
ваннаго Сокрушителя главы змѣя.

Радуйся, падших прародителей
осужденія древняго избавльшая. Ра-
дуйся, Эдем заключенный человеком
отверзшая Рождеством Твоим.

Радуйся, Всеблагая Скоропослуш-
нице, прошения наша во благо испол-
няющая.

КОНДАК 10

Спасение устрояючи христоиме-
нѣтымъ людемъ, благоволила еси,
Богородице, земный жребий Твой,
Гору Афѣонскую, в население инокомъ
определити и рекла еси в видѣнии
первому пустынножителю Афѣонско-
му, преподобному Петру, быти Горе
сей в жилище инокомъ прѣсное, обе-
тованіи благими утѣшивши его, яко
будеши Помощница и Покровитель-
ница всемъ, подвижающимся в ней
богоугодно, дарами потребными ихъ
снабдевающи и от всякихъ бедъ спа-
саящи, да невозбранно поютъ Богу:
Аллилуія.

ИКОС 10

Стена еси заступления, Дево, ино-
комъ православленнымъ и всемъ подвиж-
никомъ девства и чистоты. Тѣмже жре-

бий Твой земный, Гóру Афóнскую, невхóдну жена́м сотвори́ла еси́, да без собла́зна грехóвнаго пребыва́ют в ней ино́цы, на Тебе еди́ну по Бо́зе надежду спасения возлага́юще и Тебе зову́ще си́це:

Радуйся, неувяда́емый цвёте девства. Радуйся, крíне сёльный чистоты.

Радуйся, светоно́сная сёне Небесная, ревни́телей чистоты осеня́ющая. Радуйся, Прему́дрости Бо́жия свѣ́тче, ра́чителей целомудрия умудря́ющая.

Радуйся, ино́ком благоподви́зающимся Ходáтаице спасения. Радуйся, пустынножи́телей Горы Афóнския покрóве и ограждение.

Радуйся, радость благода́тную излива́ющая в сердца боголю́бивая. Радуйся, утешéние духовное подаю́щая душáм огорчénным.

Радуйся, Младопита́тельница де́в и безма́терних сирóт. Радуйся, любви́ю

Жениха Безсмертнаго девственная
ликостоянія улаждающая.

Радуйся, в тяжелой борьбѣ с прира-
жѣнными страстей плотскихъ крѣпкая
Помощнице. Радуйся, обителей ино-
ческих неусыпная Блустительнице.

Радуйся, Всеблагая Скоропослуш-
нице, прощѣнія наша во благо испол-
няющая.

КОНДАК 11

Пение наше смиренное, от полноты
любве и усердія Тебе приносимое,
не презри, Чистая, и не отвратися от
нас, оскверненныхъ многими грехми,
но помози намъ, Всеблагая, покаяни-
емъ очиститися отъ скверны греховныя
и преуспѣти въ чистомъ и богоугодномъ
житіи, Ты Подвигоположницу и По-
мощницу въ семъ имуще, да возможемъ
достойно и праведно вопити ко Госпо-
ду: Аллилуія.

ИКОС 11

Светлыми лучами чудес святая икона
Твоя немерцаемо сияет, Богородице
Дево, и весь мир благодатно озаряет,
прогоняючи всякое вражие дѣйство
силою Божиею, от нея исходящею;
тѣмже радуемся мы, грешнии, имѹще
таковый залог Твоего к нам благоволѣ-
нія, и Тебе, Скоропослѹшнице моле-
ний наших, благодарственно взываем:

Радуйся, деннице солнца незаходѣ-
маго. Радуйся, зарѣ дне невечѣрнаго.

Радуйся, утро спасения нам воз-
сиявшая. Радуйся, рѣдшая Жениха
Безсмѣртнаго душ человѣческих.

Радуйся, желанія наша богоутѣд-
ная исполняющая. Радуйся, в скорбех
и обстояніих на помощь к нам благо-
утробно ускоряющая.

Радуйся, раю мысленный, всякаго
утешения духовнаго преисполненный.

Радуйся, от исполнѣнія Твоего и нам
капли утешения источающая.

Радуйся, зной страстей наших про-
хлаждающая. Радуйся, благодѣтное
безстрастіе ищущим его усердно по-
дающая.

Радуйся, всех в чистоте целомудрія
живущих зело любящая. Радуйся, в со-
нних и видѣніих избранники Божия
посещающая.

Радуйся, Всеблагая Скоропослѣш-
нице, прошѣнія наша во благо испол-
няющая.

КОНДАК 12

Благодѣть Божия, присущая святей
Биконе Твоей, Скоропослѣшница То-
бою нареченной, Богомати Владычи-
це, влечет к ней всех скорбящих и об-
ремененных, и нетщій отходят они от
сего источника Твоих милостей и ще-
дрот: в скорбех отраду, в напѣстех защи-

ту, в болезнях цельбу́ неоскудно получающе от чудотворнаго образа Твоего, Всеблагая, и благодарственно вопиют благих Подателю Богу: Аллилуия.

ИКОС 12

Поюще чудеса Твоя, Владычице, и вѣлию милость Твою к христианскому роду, вѣмы, яко недовольни есмы к достойному прославлению Тебе, честнѣйшей Херувим и славнѣйшей без сравнения Серафим, обаче надеющиеся на безприкладное милосердие Твое, Всеблагая, смиренномудренно приносим Ти песни таковыя:

Радуйся, пристанище небурное подвижников благочестия. Радуйся, безмолвствующих сладкая Собесѣднице.

Радуйся, в пустынях и горах скитающихся благодатная отрадо. Радуйся, тайных среди мира рабов Божиих тайное вразумление.

Радуйся, грешников кающихся с Богом примирение. Радуйся, Горы Аффонския верховная Правительнице.

Радуйся, Петра пустыннолюбиваго посещением Твоим zde озарившая. Радуйся, Афанасиа богомудраго явлением Твоим zde облагодатствовавшая.

Радуйся, многия преподобныя Аффонския славою Небесною прославльшая.

Радуйся, насельником Горы сей особую любовь Твою являющая.

Радуйся, телес наших безмездная Целительнице. Радуйся, душ наших к Царствию Горнему Путеводительнице.

Радуйся, Всеблагая Скоропослушнице, прошения наша во благо исполняющая.

КОНДАК 13

О Всепетая Мати, Скоропослушницею нарекаяся во святей иконе Твоей, Богородице Марие! Приими

мѣлостивно сие малое моление наше,
ѣже от усердія нашего принесóхом Ти
с верою и любовію, и умоли Присно-
поклоняемую Троицу избавити ны геен-
ны óгненные, тьмы неслетімыя и му-
чения вечнаго: да предстáтельством
Твоим унаслéдим Царствіе Небесное
и сподобимся со святыми пети Богу:
Аллилуія.

Этот кондак читается трижды, затем икос 1-й
и кондак 1-й.

МОЛИТВА ПЕРВАЯ

Преблагословенная Владычице, При-
снодево Богородице, Бога Слова
пáче всякаго слóва на спасеніе нáше
рóждшая и благодáть Его преизобѣль-
но пáче всех пріявшая, море являшая-
ся Божественных дарований и чудес
приснотекущая реко, изливающая
благодать всем, с верою к Тебе прибега-
ющим! Чудотворному Твоему образу

припадающе, молимся Тебе, Всещедрей Матери Человеколюбиваго Владыки: удиви на нас пребогатая милости Твоя, и прошения наша, приносимая Тебе, Скоропослушнице, ускори исполнити, все, еже на пользу во утешение и спасение коемуждо устрояючи. Посети, Преблагая, рабы Твоя благодатию Твоею, подаждь недугующим цельбу и совершенное здравие, обуреваемым тишину, плененным свободу и различными образы страждущих утеши. Избави, Всемилостивая Госпоже, всяк град и страну от глада, язвы, труса, потопа, огня, меча и иных казни временныя и вечныя, Матерним Твоим державлением отвращаючи гнев Божий; и душевнаго разслабления, обуревания страстей и грехопадений свободи рабы Твоя, яко да непреткновенно во всяком благочестии поживше в сем веке, и в будущем вечных благ сподобимся благодатию и человеколюбием Сына

Твоего и Бога, Ему́же подобает всякая слава, честь и поклонение, со Безначальным Его Отцем и Пресвятым Духом, ныне и присно и во веки веков. Аминь.

МОЛИТВА ВТОРАЯ

О Пресвятая Дево, Мати Господа Вышняго, Скоропослу́шная Заступнице всех, к Тебе с верою прибегающих! При́зри с высоты Небеснаго величия Твоего на мя, непотребнаго, ко святей иконе Твоей припа́дающа, услыши скоро смиренную молитву мене, грешнаго, и принеси ю к Сыну Твоему: умоли Его, да озарит мрачную душу мою светом Божественныя благодати Своея и очисти́т ум мой от помыслов суетных, да умири́т страждущее мое сердце и исцели́т раны его, да вразуми́т мя на добрая дела и укрепит ра-

ботати Ему со страхом, да простит вся содеянная мною злая, да избавит от вечныя муки и не лишит Небеснаго Своего Царствия.

О Препоблагословѣнная Богородице! Ты благоизволила еси нарещѣся во образе Твоем Скоропослѣшница, повелеваѣющи всем притекати к Тебе с верою; не презри убо мене, скорбнаго, и не попусти погибнути мне в бездне грехов моих. На Тя по Бѣзе все мое упование и надежда спасения, и Твоему покрову и предстательству вручаю себе во веки веков. Аминь.



Формат 70x100/32. П. л. 1. Тираж 8 000 экз. Заказ № 491
Местная религиозная организация Православный приход храма Святаго Духа сошествія на
Лазаревском кладбище гор. Москвы Московской епархии Русской Православной Церкви:

129272, Москва, ул. Советской армии, 12, стр. 1 и 2.

ОТДЕЛ РЕАЛИЗАЦИИ: (495) 689-15-54.

Отпечатано в типографии Патриаршего Издательско-Полиграфического центра:
141300, г. Сергиев Посад, Свято-Троицкая Сергиева Лавра.

⌘ «Нил! Услышана твоя молива — ты прощен, и зрение опять дается тебе. Когда получишь эту милость от Меня, возвести братии, что Я их покров, промышление и защита их обители. Пусть и все православные христиане обращаются ко Мне в нуждах, и Я не оставлю никого. Всем, с благоговением ко Мне прибегающим, Я буду предстательством, и молитвы всех будут исполнены Сыном и Богом Моим ради Моего ходатайства пред Ним, так что с этой поры икона Моя будет именоваться «Скоропослушницею», поскольку скорую буду являть милость и исполнение прошений всем прибегающим к ней».



Эти слова были услышаны в 1664 г. афонским монахом Нилом, усердно молившимся перед иконой Пречистой Божией Матери.